



Eenheid 18: Kulturele deurgangsrites

Graad 6

Week 8: 8 Junie 2020

TROUES (BL.78-80)

Sleutelwoorde:

Woord	Definisie
Simbolies	Iets wat gebruik word om iets anders te verteenwoordig.

Let op die verskillende terme wat in die ander bladsye gaan voorkom!

WAT IS 'N TROUE?

- 'n Troue is 'n seremonie waartydens twee mense in die huwelik verbind word.
- Verskillende kulture en gelowe het verskillende tradisies en gebruike rondom troues.
- Daar is gewoonlik 'n publieke huweliksaankondiging deur 'n geloofsleier (dominee / pastoor) of regsbeampte.
- Mense dra spesiale klere en vier die geleentheid voor of na die seremonie.



HUWELIKSEREMONIES SLUIT DIE VOLGENDE IN:

Alhoewel elke kultuur hul eie tradisies volg, sluit die meeste huwelikseremonies die volgende in:


- Die aflê van beloftes deur die egpaar
- Die gee van 'n geskenk, ringe, 'n simboliese item of geld
- Blomme
- Musiek
- Digkuns
- Gebede of voorlesing uit die Bybel of ander literatuur



PERSOONLIKE EN SOSIALE BETEKENIS VAN DIE FASE (ZOELOE-TROUE) :

‘n Tradisionele Zoeloe-*indwendwe* (troue) word gevier met:

- Helder kleure, kralehangertjies, hooftooisels (*indlokos*), sang, danse en skyngewegte met *giya* (denkbeeldige vyande).
- GEEN uitnodigings word gestuur nie; die hele gemeenskap woon die troue by.
- Die bruidegom moet *ilobola* (bruidsprys) vir die bruid betaal in die vorm van beeste.
- **Die doel van hierdie geskenk** is om die vriendskap van die bruid se familie te behou.



PERSOONLIKE EN SOSIALE BETEKENIS VAN DIE FASE (HINDOE-TROUE) :

Daar is baie rituele en feestelikhede gedurende die troue:

- 'n Vriendin of familielid bring **henna** op die hande en voete van die bruid aan. Dit staan bekend as **mehndi** (krag van liefde binne die huwelik).
- Die **nikaah** (huwelikseremonie) kan by die huis van die bruid / bruidegom, of enige ander plek gehou word.
- 'n **Maulvi** (priester) voltrek die seremonie in die teenwoordigheid van die gesin en familie.
- Tradisioneel deel die bruidspaar 'n **soet vrug** ná die seremonie.



Henna is 'n rooierige / bruin kleurstof om die liggaam mee te kleur.

PERSOONLIKE EN SOSIALE BETEKENIS VAN DIE FASE (ISLAMITIESE-TROUE) :

Moslem-troues kan wissel van kultuur tot kultuur:

- Die verbinding van twee mense in die huwelik word gesien as 'n baie belangrike deel van die lewe, want dit beteken dat **twee families saamgevoeg** word.
- Sommige troues kan tot 'n **week lank** duur met honderde gaste wat dit bywoon.
- Moslem-troues word opgedeel in 'n **voor-troue, die troue** en 'n **ná troue**.



PERSOONLIKE EN SOSIALE BETEKENIS VAN DIE FASE (ISLAMITIESE-TROUE) :

- ***Voor-troue:*** Die opgewondenheid oor die huwelik word deur verskeie feesvieringe aangewakker.
- ***Die troue:*** Die huwelik word amptelik gemaak.
- ***Ná-troue:*** Feesvieringe vind plaas omdat die paartjie nou getroud is.

Die getroude paartjie ontvang soms geld om hulle te help om hul nuwe lewe saam te begin.



HUISWERK:

Lees hierdie week deur die leesstuk op bladsy 80 in jou handboek waar jy nog interessante feite oor verskillende troues sal kry.



Gesels bietjie met mamma, pappa, oupa of ouma oor die volgende vrae:

- Vra vir mamma, pappa, oupa of ouma om vir jou foto's te wys van hulle troues.
- Hoe het hul rokke/pakke, hare, blomme ensovoorts gelyk ?
- Hoekom dink jy word troues as 'n belangrike lewensfase gesien?